

**TIGULAARINEQ inatsisissatut siunnersuummit, november 2019-mi saqqummiunneqartusamit – § 304 a-p Kalaallit Nu-naannut nutaatut atuutilertussap tigulaariffigineqarnera**

**Siunnersuut**

**uunga**

**Aningaasalersuineramik ingerlataqarneq pillugu inatsimmi, kapitalinik niuerneq pillugu inatsimmi, ingerlatitseqatigiiffiit pillugit inatsimmi, aningaasalersuineramik peqatigiiffiit il. il. pillugit inatsimmi aammalu inatsisit assigiinngitsut allat allanngortinneqarnissaannik inatsit** (Suliffeqarfinnut killilimmik akuersissutinik pigisaqartunut, sanaartornermi ajutoornernut Oudos Insurance A/S-imut sillimmasersimanermi taarsiivigineqarnissamik piumasaqaatinik suliarinninnermut aammalu aktionærinut ikinnerussuteqartunut tunngatillugu aningaasannortitsinernut suleriaatsinik allannguinnermut, whistleblower-it pillugit aaqqissuussineq.)

**§ 18**

Aningaasalersuineramik ingerlataqarneq pillugu inatsimmi, Kalaallit Nunaannut atuutilersinneqartoq peqqussutikkut nr. 1252, 15. december 2004-meersukkut, allanngortinneqartoq peqqussutikkut nr. 1047, 1. september 2010-meersukkut, peqqussutikkut nr. 838, 14. august 2012-meersukkut, peqqussutikkut nr. 1675, 16. december 2015-meersukkut, peqqussutikkut nr. 1676, 16. december 2015-meersukkut, peqqussutikkut nr. 1677, 16. december 2015-meersukkut, peqqussutikkut nr. 1678, 16. december 2015-meersukkut, peqqussutikkut nr. 1679, 16. december 2015-meersukkut, peqqussutikkut nr. 1680, 16. december 2015-meersukkut, peqqussutikkut nr. 1681, 16. december 2015-meersukkut, peqqussutikkut nr. 1682, 16. december 2015-meersukkut, peqqussutikkut nr. 1683, 16. december 2015-meersukkut, peqqussutikkut nr. 1684, 16. december 2015-meersukkut, peqqussutikkut nr. 1685, 16. december 2015-meersukkut, peqqussutikkut nr. 1686, 16. december 2015-meersukkut, peqqussutikkut nr. 1687, 16. december 2015-meersukkut aammalu peqqussutikkut nr. 1688, 16. december 2015-meersukkut, imatut allannguisoqarpoq:

1. § 304-p kingorna ikkunneqassaaq:

»§ 304 a. Soraarnerussutisiassanut aningaasaateqarfiit Kalaallit Nunaanni najugaqartut imaluunniit ingerlataqartut, soraarnerussutisiqaarnissamut aaqqissuussinermut pinngitsoorani ilaanissaq pillugu Inatsisartut Inatsisaat nr. 21, 28. november 2016-meersoq naapertorlugu, soraarnerussutisiassat pillugit ingerlatsisinnaapput.«

**Nassuiaatit nalinginnaasut**

*1.1. Kalaallit Nunaanni soraarnerussutisiassanut aningaasaateqarfiit Kalaallit Nunaanni soraarnerussutisiaqarnissamut aaqqissuussinermut pinngitsoorani ilaanissaq pillugu ingerlatsinerat*

*1.1.1. Inatsisit atuuttut*

Aningaasalersuineramik ingerlataqarneq pillugu inatsisip Kalaallit Nunaannut atuutilernissaa pillugu peqqussummi § 304-p malitsigivaa, soraarnerussutisiassanut aningaasaateqarfiit pineqaraangata paa-sineqassasoq pineqartut, peqatigiiffiit imaluunniit kattuffiit, siunertaqartut ilaasortaminnut, malittarisassat assigiit malillugit, soraarnerussutisiassaqtitsinissamut. § 304 malillugu, soraarnerussutisiassanut aningaasaateqarfiit taamaallaat ukunannga immikkoortunit eqimattanit marlunnit ilaasortaqarsinnaapput: 1) ilaasortat, aalajangersimasunik ilinniagallit imaluunniit suliffeqarfinni immikkoorutilinni atorfeqartut, suliffinni soraarnerussutisiassanut aningaasaateqarfeqartuni siunertaqartunik, atorfeqarnermut atugassarititaasunik tunngaveqartunik imaluunniit allatigut suliffeqarfimmut atuumassuteqartunut soraarnerussutisiaqartitsinissamut malittarisassat assigiit naapertorlugit atugaqartut, imaluunniit 2) ilaasortat, assigiimmik suliaqarfiusumi namminersorlutik suliffiuteqartut.

Aalajangersakkap atuuttup malitsigivaa ilaasortanut tunngatillugu killiliineq, soraarnerussutisiassanut aningaasaateqarfiit ilaasortarisinnaasaannut tunngatillugu. Taamaammat soraarnerussutisiassanut aningaasaateqarfiit taamaallaat ilaasortarisinnaavaat eqimattat killilikkat, sulisut imaluunniit namminersortut. Killiliinerup aamma malitsigivaa, soraarnerussutisiassanut aningaasaateqarfiit inunnik suliffeqarnermut attuumassuteqanngitsunik ilaasortaqalersinnaannginnerat.

Inatsisartut Inatsisaat nr. 21, 28. november 2016-meersaq aqqutigalugu Kalaallit Nunaanni soraarnerussutisiaqarnissamut aaqqissuussinermut pinngitsoorani ilaanissaq atuutilernikuuvoq. Aaqqissuussineq pisussaaffiliivoq, innuttaasut 18-inik ukioqalereersimasut Kalaallit Nunaannullu akileraartussaataitaasut tamarmik soraarne-russutisiaqalernissamut, soraarnerussutisiassanut aningaasaateqarfimmut, inuunermut sillimmasiisarfimmut imaluunniit aningaaserivimmumut, Kalaallit Nunaanni angerlarsimaffeqartumut imaluunniit Kalaallit Nunaanni aalajangersimasumik ingerlanneqartumut ileqqaarinissaannut.

Soraarnerussutisiaqarnissamut aaqqissuussinermut pinngitsoorani ilaanissaq pillugu Inatsisartut inatsisaat nr. 21, 28. november 2016-meersumi § 1, imm. 3-p malitsigivaa, aaqqissuussineq soraarnerussutisiassanut aningaasaateqarfimmi ivertinneqarsimassasoq, sillimmasiisarnemillu ingerlatsineq pillugu inatsimmut ilaasumi, imaluunniit inuunermik soraarnerussutisiaqalernissamulluunniit sillimmasiisarnermik ingerlatseqatigiiffinni Kalaallit Nunaanni angerlarsimaffilinni sillimmasiisarnemillu ingerlatsinissamik Finanstilsynimit akuerineqarsimasumi sillimmasiisarfimmik ingerlatsinissamut, imaluunniit aningaaserivimmik Kalaallit Nunaanni angerlarsimaffeqartumik imaluunniit Kalaallit Nunaanni aalajangersimasumik ingerlanneqartumik, Finanstilsynetimillu akuerisaasumit Kalaallit Nunaanni aningaaserivimmik ingerlatsinissamut.

Soraarnerussutisiaqarnissamut aaqqissuussinermut pinngitsoorani ilaanissaq pillugu Inatsisartut inatsisaat nr. 21, 28. november 2016-meersumi § 7, imm. 5-p malitsigivaa, akileraartarnermut isumaginnittoqarfimmit ilisimaneqanngippat, inuk inatsimmi pineqartoq soraarnerussutisiassanut ileqqaagaqartoq, taava akileraartarnermut isumaginnittoqarfik pilersitsisinnaavoq inummut tassunga soraarnerussutisiassanik aaqqissuussilluni, tak. inatsimmi § 8.

Soraarnerussutisiaqarnissamut aaqqissuussinermut pinngitsoorani ilaanissaq pillugu Inatsisartut inatsisaat nr. 21, 28. november 2016-meersumi § 8-p malitsigivaa, Naalakkersuisut isumaqatigiisuteqarnissamut pisinnaatinneqassasut soraarnerussutisiassanut aningaasaateqarfimmut, sillimmasii-sarnermillu ingerlatsineq pillugu inatsimmut ilaasumik, imaluunniit inuunermik soraarnerussutisiaqalernissamulluunniit sillimmasiisarnermik ingerlatseqatigiiffinni Kalaallit Nunaanni angerlarsimafilinni sillimmasiisarnermillu ingerlatsinissamik Finanstilsynet-imit akuerineqarsimasunik, soraarnerussutisiassat pillugit ingerlatsinissamut, akileraartarnermut isumaginnittoqarfimmit ivertinneqarsimasunik inatsimmi § 7, imm. 5 naapertorlugu.

Finanstilsynetip 14. december 2018-imi aalajangiisoqarneratigut naqissuserpaa, aningaasalersuiner-mik ingerlataqarneq pillugu inatsimmi § 304-mut akerliussasoq, soraarnerussutisiaqarnissamut aaqqissuussinermut pinngitsoorani ilaanissaq pillugu Inatsisartut inatsisaanni nr. 21, 28. november 2016-meersumi taaneqartutut, soraarnerussutisiassanut aningaasaateqarfiit soraarnerussutisiaqarnis-samut aaqqissuussineq ingerlatissappassuk.

#### *1.1.2. Erhvervsministeriamit isumaliutit*

Kalaallit Nunaanni Inuussutissarsiornermut Nukissiuuteqarnermut Ilisimatusarnermullu Naalak-kersuisup saaffiginnissuteqarnera tunngavigalugu Erhvervsministeriap Kalaallit Nunaanni anin-gaasalersuiner-mik ingerlataqarneq pillugu inatsimmi § 304-p atuutilernissaanut peqqussutip al-lanngortinneqarnissaa isumaliutigisimavaa. Kalaallit Nunaata kissaatigivaa, § 304 Kalaallit Nunaan-ut tunngatillugu allanngortinneqassasoq, taamaaliornikkut Kalaallit Nunaanni soraarnerussutisias-sanut aningaasaateqarfiit mattusimaneqarunnaarniassammata ingerlatsinissamut soraarnerussutisia-qarnissamut aaqqissuussinermut pinngitsoorani ilaanissaq pillugu Inatsisartut inatsisaat nr. 21, 28. november 2016-meersaq naapertorlugu.

Erhvervsministeria naliliivoq, ilutsinngitsumik inatsiseqarnikkut inissisimanerusoq, Kalaallit Nuna-anni soraarnerussutisiassanut aningaasaateqarfiit soraarnerussutisiaqarnissamut aaqqissuussinermut pinngitsoorani ilaanissaq ingerlassinnaanngikkaat, soraarnerussutisiaqarnissamut aaqqissuussinermut pinngitsoorani ilaanissaq pillugu Inatsisartut inatsisaat nr. 21, 28. november 2016-meersumi pi-umasarineqarpat, soraarnerussutisiassanut ani-ngaasaateqarfiit Kalaallit Nunaanni angerlarsimaf-feqartut imaluunniit ingerlanneqartut aqqissuussineq ingerlassinnaagaat.

Erhvervsministeria naliliivoq, Kalaallit Nunaanni soraarnerussutisiassanut aningaasaateqarfinni ilaasortat eqqarsaatigalugit killeqartitsinissamik malittarisassat akornutaasariaqanngitsut, soraarnerussutisiassanut ani-ngaasaateqarfiit soraarnerussutisiaqarnissamut aqqissuussinermi pinngitsoorani ilaanissaq pillugu ingerlatsinissaannut.

Erhvervsministeria aamma naliliivoq, malittarisassanik allanngueq tamanna Kalaallit Nunaannut immikkut aaqqiinusoq, Kalaallit Nunaanni ikitsuinnaammata soraarnerussutisiassanut tunngatillugu sullissisuusut. Taamaattoq allanngueq ataasiinnaavoq, tassunga aaqqiinusoq, taamaammallu allanngueq Kalaallit Nunaanni soraarnerussutisiaqarnissamut aqqissuussinermut pinngitsoorani ilaanissamut tunngatillugu taamaallaat atuutissasoq, aammalu soraarnerussutisiassanut aningaasaateqarfiit periarfissaqartariqanngitsut ilaasortami amerlisarnissaannut. Taamaammat erhvervsministeria naliliivoq, allanngueq soraarnerussutisiassanut aningaasaateqarfinnut Kalaallit Nunaanni angerlarsimaffeqartunut imaluunniit aalajangersimasumik ingerlatsiveqartunut taamaallaat atuuttariqartoq.

Qulaani taaneqartut tunngavigalugit Erhvervsministeria naliliivoq, soraarnerussutisiassanut aningaasaateqarfiit Kalaallit Nunaanni angerlarsimaffeqartut imaluunniit aalajangersimasumik ingerlatsiveqartut Kalaallit Nunaanni soraarnerussutisiaqarnissamut aqqissuussinermi pinngitsoorani ilaanissamut tunngatillugu ingerlatsinnaasariaqartut.

### *1.1.3. Inatsisissatut siunnersuutip imarisai*

Siunnersuutaavoq, soraarnerussutisiassanut aningaasaateqarfiit Kalaallit Nunaanni angerlarsimaffeqartut imaluunniit aalajangersimasumik ingerlatsiveqartut periarfissaqassasut ingerlatsinnaanissamut soraarnerussutisiassanut aningaasaateqarfiit soraarnerussutisiaqarnissamut aqqissuussinermi pinngitsoorani ilaanissamut tunngatillugu, Kalaallit Nunaanni soraarnerussutisiaqarnissamut aqqissuussinermut pinngitsoorani ilaanissaq pillugu Inatsisartut inatsisaat nr. 21, 28. november 2016-meersumi malittarisassat naapertorlugit. Allannguut taamaallaat soraarnerussutisiaqarnissamut aqqissuussinermi pinngitsoorani ilaanissami ingerlatsinnaanermut atuuppoq, taamaattumillu soraarnerussutisiassanut aningaasaateqarfiit siunnersuut tunngavigisinnaanngilaat nutaanik ilaasortaqaalernissamut ilaasortareriikkami saniatigut, isumaqatigiittoqarsimangippat, soraarnerussutisiaqarnissamut aqqissuussinermi pinngitsoorani ilaanissami ingerlatsinermut tunngatillugu, akileraartarnermik isumaginnittoqarfimmit pilersinneqartumik Inatsisartut inatsisaanni nr. 21, 28. november 2016-meersumi § 7, imm. 5 aamma § 8 naapertorlugit.

Siunnersuutaavoq, soraarnerussutisiassanut aningaasaateqarfiit Kalaallit Nunaanni angerlarsimaffeqartut imaluunniit aalajangersimasumik ingerlatsiveqartunut taamaallaat ammaanissaq.

Ilanngullugu inatsisissatut siunnersuutip § 18, nr. 1-ianut, taakkunungalu oqaaseqaatinut, innersuussisoqarpoq.

## **Immikkut oqaaseqaatit**

### *§ 18-imut*

*Nr. 1-imut (Kalaallit Nunaanni aningaasalersuineramik ingerlataqarneq pillugu inatsimmi § 304 a)*  
Soraarnerussutisiassanut aningaasaateqarfiit Kalaallit Nunaanni angerlarsimaffeqartut imaluunniit aalajangersimasumik ingerlatsiveqartut, soraarnerussutisiassanut aaqqissuussinernik ingerlatsisinnaapput, soraarnerussutisiaqarnissamut aaqqissuussinermut pinngitsoorani ilaanissaq pillugu Inatsisartut inatsisaat nr. 21, 28. november 2016-meersoq naapertorlugu.

Inatsisartut inatsisaat nr. 21, 28. november 2016-meersoq aqqutigalugu Kalaallit Nunaanni soraarnerussutisiaqarnissamut aaqqissuussinermut pinngitsoorani ilaanissamik aaqqissuussineq eqqunneqarpoq. Aaqqissuusinikkut innuuttaasut 18-inik ukioqalereersimasut, Kalaallit Nunaanni akileraartussaataitaasut, pisussaaffilerneqarput so-raarnerussutisiassanik aningaasaateqarfimmut, inuunermut sillimmasiisarfimmut aningaaserivimmulluunniit Ka-laallit Nunaanni najugaqartumut imaluunniit aalajangersimasumik ingerlatsiveqartumut soraarnerussutisiassaminnik ileqqaarinissaannut.

Aningaasalersuineramik ingerlataqarneq pillugu inatsisip atuutilernissaanut peqqussummi § 304-mi aalajangersakkami soraarnerussutisiassanut aningaasaateqarfiit pillugit nassuiaanermi, taakkunanga ilaasortarineqarsinnaasut inissinneqarput. Soraarnerussutisiassanut aningaasaateqarfiit, tamanna aalajangersagaq tunngavigalugu, taamaallaat ilaasortaqalersinnaapput eqimattanik aalajangersimasuniik suliffeqarnermut attuumassuteqartuniik.

Soraarnerussutisiassanut aningaasaateqarfik Kalaallit Nunaanni angerlarsimaffeqartoq imaluunniit aalajangersimasumik ingerlatsiveqartoq, aningaasalersuineramik ingerlataqarneq pillugu inatsisip atuutilernissaanut peqqussummi atuuttoq § 304 tunngavigalugu ingerlatsisinnaanngilaq, soraarnerussutisiaqarnissamut aaqqissuussinermut pinngitsoorani ilaanissaq pillugu Inatsisartut inatsisaat nr. 21, 28. november 2016-meersukkut piumasarineqartutuut. Tamanna tunngaveqarpoq, soraarnerussutisiaqarnissamut aaqqissuussinermut pinngitsoorani ilaanissaq pillugu aaqqissuussinerup nutaap pimma git inuit tamarmik, 18-inik ukioqalereersimasut, Kalaallit Nunaanni akileraartussaataitaasut, ilannuglugit inuit suliffeqarnermut attuumassuteqanngitsut, taamaattumillu oqartoqarsinnaanani aalajangersimasut inuit pineqartut, piumasaqaatinik naammassinnittut aalajangersagaq atuuttoq naapertorlugu.

Siunnersuutaavoq, aningaasalersuineramik ingerlataqarneq pillugu inatsisip atuutilernissaanut peqqussummi nutaamik § 304 a-mik ikkussisoqassasoq, taamaaliornikkut soraarnerussutisiassanut aningaasaateqarfiit Kalaallit Nunaanni angerlarsimaffeqartut imaluunniit aalajangersimasumik ingerlatsiveqartut, soraarnerussutisiaqarnissamut aaqqissuussinermut pinngitsoorani ilaanissaq pillugu Inatsisartut inatsisaat nr. 21, 28. november 2016-meersoq naapertorlugu ingerlatsisinnaanngortillugit.

Aalajangersakkap siunnersuutigineqartup periarfissanngortissavaa, Kalaallit Nunaanni soraarnerussutisiassanut aningaasaateqarfiit, soraarnerussutisiaqarnissamut aaqqissuussinermut pinngitsoorani ilaanissaq pillugu ingerlatsisinnaanngornissaat. Aalajangersakkap ilaatigut malitsigivaa, soraarnerussutisiassanut aningaasaateqarfiit Kalaallit Nunaanni angerlarsimaffeqartut imaluunniit aalajangersimasumik ingerlatsiveqartut ilaasortarisinnaasaasa annertusineqarnerat. Annertusaaneq taamaallaat pivai soraarnerussutisiassanut aningaasaateqarfiit Kalaallit Nunaanni angerlarsimaffeqartut imaluunniit aalajangersimasumik ingerlatsiveqartut ilaasortai aammalu taamaallaat Kalaallit Nunaanni soraarnerussutisiaqarnissamut aaqqissuussinermut pinngitsoorani ilaanissaq pillugu ingerlatsineq. Soraarnerussutisiassanut aningaasaateqarfiit Kalaallit Nunaanni angerlarsimaffeqartunut imaluunniit aalajangersimasumik ingerlatsiveqartunut suli inerteqqutaassaaq ilaasortarisinnaasami avataatigut ilaasortaqaalersinnaanissaq, tak. § 304, imm 1, aningaasalersuineramik ingerlataqarneq pillugu inatsisip Kalaallit Nunaanni atuutilernissaanut peqqussut.

Aalajangersakkap siunnersuutigineqartup malitsigissavaa, soraarnerussutisiassanut aningaasaateqarfiit Kalaallit Nunaanni angerlarsimaffeqartut imaluunniit aalajangersimasumik ingerlatsiveqartut, soraarnerussutisiaqarnissamut aaqqissuussinermut pinngitsoorani ilaanissaq pillugu Inatsisartut inatsisaat nr. 21, 28. november 2016-meersumi malittarisassat naapertorlugit, soraarnerussutisiassanut akiliutinik tiguisinnaanissaat aaqqissuussinermut atuuttumik, ilaasortartaarsinnaanissaat, aningaasaatit aningaasaliissutigisinnaanissaat, soraarnerussutisianik tunniussisinnaanissaat il. il.

Aalajangersagaq siunnersuutigineqartoq Kalaallit Nunaanni pissutsinik tunngaveqarpoq, aammalu soraarnerussutisiassanut aningaasaateqarfinnut Danmarkimi angerlarsimaffeqartunut imaluunniit aalajangersimasumik ingerlatsiveqartunut atuunnani.